



PRIJEDLOG

Broj: 01/1-02-2244/13
Ilijaš, 06. 01. 2014. godine

ZAPISNIK

sa 14. (četnaeste) sjednice Općinskog vijeća Ilijaš održane dana 31. 12. 2013. godine, sa početkom u 10h.

Četnaestom sjednicom OV-a Ilijaš je predsjedavao predsjedavajući OV-a g-din Damir Filipović.

RB.	IME I PREZIME
SDA	
1	MAHIR DEVIĆ
2	NEDIM MATORUGA
3	SAUDIN DURMIĆ
4	HALID DIZDAREVIĆ
5	AMAR DOVADŽIJA
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
SDP	
10	ALAN ŠERAK
11	MARIONETA ILIĆ-JURETA
12	DAMIR FILIPOVIĆ
13	SELVER HERIĆ
SBB	
14	ADEM EFENDIĆ
15	NIJAZ MAŠIĆ
16	SEAD ŠEHIĆ
17	AKIF BEŠLIJA
SAMOSTALNI VIJEĆNICI	
18	-
19	ASIM MUJIĆ
STRANKA ZA SREDNJE	
20	BESIM GLJIVA
21	AIDA MALIŠEVIĆ
LDS	
22	NIJAZ RASTODER
23	NIHAD BUČUK

	BPS
24	MUHAMED HANDŽIĆ
	SDU
25	DIZDAREVIĆ ENES

Odsutni vijećnik:

1. Edhem Hasanović

Prisutni gosti:

1. Semir Spahić - Radio Ilijaš
2. Benis Falić – direktor JU “KSC i Radio Ilijaš”
3. Mehmed Smajlović – Predsjednik Savjeta MZ Mrakovo
4. Šemso Jusić – Predsjednik Savjeta MZ Podlugovi
5. Dževad Alispahić – Predsjednik Savjeta MZ Ljubnići
6. Mirsad Osmanović – predsjednik OO SDP Ilijaš
7. TV Vogošća

Ostali prisutni:

1. Akif Fazlić – općinski načelnik
2. Nijaz Spahić – pomoćnik načelnika
3. Merima Osmanović – pomoćnik načelnika
4. Sanja Zagorac-Jozić – pomoćnik načelnika
5. Sadeta Brkić – pomoćnik načelnika
6. Alma Imamović – pomoćnik načelnika
7. Zdravko Barić – pomoćnik načelnika
8. Ilda Kahriman – sekretar Općinskog vijeća
9. Mersa Zeković -
10. Aida Čutura-Marić – stručni saradnik u Stručnoj službi općinskog vijeća i općinskog načelnika
11. Adha Masnopita – stručni saradnik u Službi za društvene djelatnosti
12. Maida Habibović – zapisničar.

Predsjedavajući je otvorio sjednicu i konstatovao da postoji kvorum za odlučivanje.

Zatim je dao na glasanje zapisnik sa 12. sjednice OV-a.

OV-e nije imalo primjedbi, te je zapisnik sa 12. sjednice usvojen jednoglasno.

Zatim je predsjedavajući dao na glasanje zapisnik sa 13. sjednice OV-a.

OV-e nije imalo primjedbi, te je zapisnik sa 13. sjednice usvojen jednoglasno.

Predsjedavajući je pročitao predloženi dnevni red i predložio da se tačka 13 preimenuje u “Prijedlog zaključaka o dodjeli priznanja za 2013. godinu”. U konsultacijama sa općinskim načelnikom i zamjenikom predsjedavajućeg koji su po Poslovniku dužni da pripremaju sjednice OV-a došlo se do ovog prijedloga.

Sadeta Brkić – sa dnevnog reda predlagač povlači rješenje iz imovinsko-pravne oblasti broj: 06/1-31-701 obzirom da je pokrenut upravni spor.

Adem Efendić – pitam predsjedavajućeg da li Kolegij OV-a predlaže dnevni red ?

Predsjedavajući – odgovor ćete dobiti u pismenoj formi.

Adem Efendić – predložili ste izmjenu tačke u dnevnom redu.

Predsjedavajući – imam pravo da predložim izmjenu, a vi možete da se složite ili ne sa mojim prijedlogom. U konsultacijama sa načelnikom smo došli do toga da je došlo do pravnog vakuma, jer odluka se ne može staviti van snage iz razloga što nemamo prijedlog nove odluke. Zaključkom treba obavezati nadležnu komisiju koja će pripremiti novi prijedlog odluke i staviti van snage staru odluku i pravilnik.

Adem Efendić – vi ste dužni predložiti dnevni red koji je predložio Kolegij OV-a.

Sead Šehić – tražim da se tačka 13 skine sa dnevnog reda, bez obzira kako se zove.

Predsjedavajući – prijedlog je da se tačka 13 samo preimenuje, a odlučivat će se po zaključcima.

Nedim Matoruga – vi ste predsjedavajući formalno-pravno napravili propust, jer ste trebali pročitati dnevni red onako kako je dostavljen u materijalu i tu je Adem Efendić upravu. Predlažem da odustanete od svog prijedloga, prvo pročitajte predloženi dnevni red, a onda dajte svoj prijedlog.

Adem Efendić – hvala predsjedniku KV SDA, a zamolio bih predsjedavajućeg da nas ubuduće tretirate isto, jer ovo što je predložio predsjednik KV SDA i ja sam tražio isto.

Predsjedavajući – smatram da nisam nikoga uvrijedio niti derogirao, ali nisam vas razumio šta tražite u svojoj diskusiji i izvinjavam se ako smatrate da sam pogriješio. Zatim je pročitao tačno kako je 13 tačka navedena u prijedlogu dnevnog reda i predložio zmjenu naziva tačke 13 u "Prijedlog zaključaka o dodjeli općinskih priznanja za 2013. godinu".

Adem Efendić – predlažem da se tačka 13 povuče sa dnevnog reda, a nemam ništa protiv da razgovaramo o odluci o priznanjima i mislim da treba ići u izmjene same odluke. Razlog je što je već raspisan javni poziv o dodjeli priznanja i ako treba nešto mijenjati, onda treba izmjene vršiti u samoj odluci.

Predsjedavajući – dao je na glasanje prijedlog da se tačka 13 preimenuje u "Prijedlog zaključaka o dodjeli općinskih priznanja za 2013. godinu".

OV-e je glasalo sa 18 glasova ZA i 4 PROTIV.

Zatim je dao na glasanje dnevni red sa navedenom izmjenom.

OV-e je sa 19 glasova ZA i 3 UZDRŽANA usvojilo slijedeći:

DNEVNI RED:

1. Vijećnička pitanja i inicijative
2. Izvještaj o realizaciji zaključaka sa 13. i zaključka sa 9. sjednice OV-a
3. Prijedlog Programa rada Općinskog vijeća Ilijaš za 2014. godinu
4. Prijedlog Budžeta općine Ilijaš za 2014. godinu
5. Prijedlog Odluke o izvršavanju Budžeta općine Ilijaš za 2014. godinu
6. Prijedlog Odluke o građevinskom zemljištu
7. Prijedlog Odluke o pristupanju izradi Regulacionog plana "Stari Ilijaš"
8. Prijedlog Odluke o pristupanju izradi Plana upravljanja krutim otpadom za područje općine Ilijaš
9. Prijedlog Odluke o povjeravanju vršenja poslova pravobranilaštva Kantona Sarajevo za 2014. godinu
10. Prijedlog Odluke o ustupanju prava raspolaganja nad infrastrukturnim objektima Antenski stub i kućica na lokaciji Karašnica, Javnoj ustanovi "Kulturno-sportski centar i Radio Ilijaš"
11. Prijedlog Odluke o razrješenju člana Općinske izborne komisije
12. Prijedlog Odluke o raspisivanju javnog oglasa za imenovanje člana općinske izborne komisije Ilijaš
13. Prijedlog Zaključaka o dodjeli općinskih priznanja za 2013. godinu
14. Prijedlog rješenja iz imovinsko-pravne oblasti:
 - a) broj 06/1-31-3620/13 od 04. 12. 2013. godine
 - b) broj 06/1-31-3621/13 od 04. 12. 2013. godine
 - c) broj 06/1-31-3162/10 od 06. 12. 2013. godine
 - d) broj 06/1-31-3805/13 od 16. 12. 2013. godine
 - e) broj 06/1-31-3622/13 od 18. 12. 2013. godine
 - f) broj 06/1-31-915/13 od 18. 12. 2013. godine
 - g) broj 06/1-31-934/13 od 18. 12. 2013. godine
 - h) broj 06/1-31-954/13 od 18. 12. 2013. godine
 - i) broj 06/1-31-2833/13 od 20. 12. 2013. godine
15. Izvještaj o radu Službe civilne zaštite sa protivminskim akcijama za 2013. godinu
16. Informacija o stanju u stambeno-komunalnoj oblasti, obnovi stambenog fonda i komunalne infrastrukture na području Općine Ilijaš
17. Informacija o isplati dijela štete nastale prirodnom i drugom nesrećom u periodu 04. 02 – 23. 02. 2012. godine

AD-1

Vijećnička pitanja i inicijative

SEAD ŠEHIĆ – vijećnik SBB-a

Inicijativa:

1. Pokrećem inicijativu prema nadležnom općinskom organu, a odnosi se na to da građani imaju pravo služnosti puta i pravo služnosti kanala za odvod površinskih voda, što im je u zadnje 2-3 godine onemogućeno nepromišljenim postupcima nadležnih općinskih službi – zajedno sa bivšim načelnikom.

Obrazloženje: Naime, radi se o putu koji ide od Donje Vogošće, Donje Karaule, Malešićki most, željeznička stanica – Ilijaš. Tačnije, radi se o putu koji je postojao i koji je

uspostavljen još za vrijeme Austrougarske vlasti i put je uspostavljen trasom uzane pruge. Duž puta je urađen kanal za odvod površinskih voda kroz ova naselja zajedno sa uspostavom ovog puta. Međutim, problem se javlja i kod dijela, kod fabrike Drvo-Produkt d.o.o. Ilijaš i kod dijela koji prolazi pokraj kuće porodice Brahović.

Od toliko vlasnika koji izlaze imanjem na ovaj dio puta jedino je dozvoljeno porodici Brahović da na dijelu svog posjeda pregrade put u dužini od 30 m i time onemogući korišćenje ovog puta. Napominjem da ovaj put ima pravo služnosti od Austrougarske pa sve do 2010.godine kada je općina prodala taj dio puta porodici Brahović, a kasnije kada je uvidjela grešku poništila to rješenje. Međutim, porodica Brahović i dalje blokira taj dio puta. Ovome treba dodati da je firma Drvo-Produkt d.o.o. Ilijaš zatrpala kanal za odvod površinskih voda, na zatrpanim kanalima izgradila objekte, zidove, bez izgrađene alternative za odvod površinskih voda i bez poštivanja minimalnih odmicanja, propisa udaljenosti od menjika tako da je ovo naselje za slučaj većih padavina pripremljena ekološka katastrofa. Također, porodica Brahović na regionalnom putu Sarajevo – Ilijaš je zatvorila kanal sa odvodom površinskih voda tako da kuće ispod regionalnog puta redovno plave prilikom većih padavina. Još napominjem da ti ljudi koji su blokirani od strane pomenute porodice, a sve uz pomoć nadležnih općinskih službi, svoju djecu moraju da šalju na regionalni put koji uzgred nema trotoare i pitanje je šta će se desiti ako ne daj Bože dijete nastrada. Tako da pokrećem inicijativu sa slijedećim tačkama:

1. Da se izda rješenje putem općinskih službi za otvaranje ovog puta i pravo služnosti kanala za odvod površinskih voda
2. Da se općina putem svojih službi angažuje i da se naloži porodici Brahović da skloni zapreku sa puta, odnosno ogradu, te da ista porodica koja je zatvorila kanal za odvod površinskih voda od strane regionalnog puta Sarajevo – Ilijaš dovede u prvobitno stanje
3. Da se putem inspeksijske službe i drugih službi iz ove oblasti u općini Ilijaš izvrši uvid na ovoj trasi, tj. da li je kanal zatrpan i da li su na tom mjestu izgrađeni industrijski objekti od strane pomenute firme Drvo-Produkt i da li ista ima potrebne dozvole i saglasnosti inspektora od općinskih službi Ilijaš
4. Da se ovo Vijeće informiše o navedenoj inicijativi na narednoj sjednici OV-a Ilijaš.

Na kraju, zaključujem da građani traže samo pravo služnosti puta i kanala za odvod površinskih voda kako je to bilo od perioda Austrougarske vlasti do zatvaranja ovog puta i zatrpavanja odvodnih kanala.

Napominjem, i po rimskom pravu i po službenom pravu, ako hoćete i po šerijatskom pravu, put koji se koristi neprekidno više od 20 godina ne može se zabraniti pravo njegove služnosti.

ENES DIZDAREVIĆ – vijećnik SDU

Inicijative:

1. Pokrećem inicijativu da Općinska služba na čelu sa načelnikom općine Ilijaš razmotri mogućnost o pokretanju tužbe protiv "Elektroprivrede BiH" zbog štete koja je nanesena Općini Ilijaš i njenim građanima zbog nestanka električne energije u više navrata i tako ostavili građane bez iste preko 130 sati.

Smatramo da je ovim nanesena znatna materijalna šteta, te da se putem advokata i vještaka utvrdi kolika je.

2. Tražimo da se hitno stavi u funkciju javna rasvjeta na potezu pravoslavna crkva-

Stari Ilijaš, koja je prilikom izvođenja radova na rekonstrukciji regionalne ceste stavljena van funkcije (oštećena) i već duže vrijeme ne radi.

Tražimo od "Direkcije za ceste" da uputi zahtjev prema izvođaču radova da se ista stavi u funkciju.

RASIM ŠEHIĆ – vijećnik SDA

Pitanje:

1. Da firma "Centrotrans Eurolines" poslovnica Ilijaš povede računa o prevozu učenika u osnovnu školu "Srednje".

Obrazloženje: Veći dio izostanaka učenika sa nastave je zbog nepravovremenog dolaska autobusa sa učenicima pred školu. Činjenica je da usljed kvarova na autobusima momentalno sa nastave izostaje desetina učenika. Kvarovi se često dešavaju što implicira da našu djecu prevoze "tehnički neispravna" vozila. Obzirom da za prijevoz učenika ova firma za područje općine Ilijaš dobija 585.000 KM, molim Vas da o gore pomenutom povedete računa.

NIJAZ RASTODER – vijećnik LDS-a

Inicijativa:

1. Pokrećem inicijativu da se kupi jedan kontejner za sabiranje odjevnih predmeta za socijalno ugrožene kategorije. Molim načelnika da ovu inicijativu uvaži.

MARIONETA ILIĆ-JURETA – vijećnica SDP-a

Inicijative:

1. Da se izdvoje sredstva iz budžeta koja su neophodna za završavanje džamije u Solakovićima.
2. Da se ubrza i provjeri šta je sa obrascima za vjenčane listove, jer roditelji ponovo imaju probleme sa upisom djece u matične knjige rođenih.

BESIM GLJIVA – vijećnik Stranke za Srednje

Inicijativa:

1. Završetkom polugodišta od 1.januara prevoz građana sa gornjeg područja općine Ilijaš prestaje sa funkcijom do početka drugog polugodišta, te zato zahtjevam da se, prije svega zbog studenata sa tog područja, pokuša obezbjediti minimum prevoza sa ovog područja u navedenom periodu.

ADEM EFENDIĆ – vijećnik SBB-a

Inicijative:

1. Tražim da nadležna općinska služba i nadležni općinski inspektor HITNO odu u naselje Gornji Malešići (MZ Malešići) na imanje vlasnika Adina Garaplije i utvrde činjenično stanje, odnosno legalitet gradnje objekata, štala za smještaj ovaca, te da li se poštuju propisani tehnički uslovi za gradnju ovakvih objekata i postupaju po

istom.

Obrazloženje: Građani Gornjih Malešića su zabrinuti zbog gradnje ovakvog objekta koji se gradi u neposrednoj blizini izvorišta pitke vode i kuća za stanovanje.

2. Tražim da nadležna općinska služba i nadležni općinski inspektor HITNO odu u naselje Gornji Malešići (MZ Malešići) i odmah pristupe stručnoj obradi (IZMJEŠTANJU) pokopanih životinja – ovaca iz jame koja se nalazi na lokalitetu imanja Garaplija Adina.

Obrazloženje: Ovce koje su stradale 2012. godine, pokopane su na pomenutom imanju u blizini izvorišta pitke vode koju građani koriste za piće. Imamo informaciju da je već nekoliko građana virusno oboljelo koristeći vodu sa zagađenih izvorišta.

Predsjedavajući – informisao je vijećnike da se prema dopisu koji je stigao iz Gornjih Malešića o zagađenosti postupalo i dopisi upućivani JKP "Vodostan" Ilijaš i Zavodu za javno zdravstvo KS, i oni su ustanovili da ne mogu izvršiti mikrobiološku analizu kojom bi utvrdili da li postoje bakterije animalnog porijekla u vodi.

AD-2

Izvještaj o realizaciji zaključaka sa 13. i zaključka sa 9. sjednice OV-a

Nedim Matoruga – u izvještaju imamo odgovor Elektroprivrede vezano za prekide napajanja električnom energijom Ilijaša i pitam hoćemo li ostaviti ovo ovako, zamolio bih i načelnika da vidimo i dogovorimo kako postupiti dalje. Da li ostaviti ovako ili da reagujemo dalje po ovom pitanju ?

Akif Fazlić – ovo je jedna od najtežih stvari kada je u pitanju funkcionisanje, generalno komunalnog sistema. O ovoj problematici smo pričali i šta je suštinsko rješenje – pitanje gradnje nove trafostanice čija je nadležnost elektroprenos, a znamo status elektroprenosa, status njihovih investicionih programa, a još nije došlo do odobrenja i definisanja prioriteta. Ono što zabrinjava jeste odnos Elektroprivrede, odnosno nadležne elektrodistribucije prema elektrosnabdijevanju prema općini Ilijaš. On se nastoji postaviti u smislu da je neko drugi kriv, da treba neko da zaštiti njihovu imovinu, treba neko da zaštiti sistem snabdijevanja i praktično se na tome sve završava. Ja sam poduzeo neke korake, ali poslije Nove godine morat ćem poduzeti i hitne i oštre korake u smislu rješavanja ovog problema. Problem nije samo što nestane struje, nego što nema kapaciteta u smislu povećanja količine električne energije za ovaj grad tj. u razvojnom smislu smo ograničeni. Ove dvije tačke sam delegirao prema Federalnom ministarstvu energije, rudarstva i industrije i očekujem sastanak sa ministrom i da krenemo od toga. Vidjet ćemo koliko će to biti efikasni koraci i ako ne budu vidjet ćemo da to rješavamo nekim drugim putem. Nadam se da ćemo zajedno ja i općinsko vijeće, to uzimamo sebi kao prioritet, da u konačnici izdefinišemo red poteza o onoga što treba da se uradi kako bi se ovaj problem u konačnosti riješio za općinu Ilijaš.

Muhamed Handžić – što se tiče dopisa Elektrodistribucije Sarajevo, ja predlažem da OV-e zakaže tematsku sjednicu po ovom pitanju poslije Nove godine i na tu sjednicu pozvati najodgovornije ljude iz Elektroprivrede. Odgovor koji smo dobili je ponižavajući za vijećnike, načelnika, a pogotovo građane općine Ilijaš koji devet mjeseci ostaju bez struje.

Nedim Matoruga – podržavam sve aktivnosti koje provodi općinski načelnik, s tim što mislim da i OV-e treba dati svoj doprinos u smislu kako je predložio kolega Handžić. Ja bih samo predložio, uz ovo što je kolega Handžić predložio, da mi na sjednicu općinskog vijeća nećemo prihvatiti nikog ispod tehničkog direktora.

Predsjedavajući – pročitao je prijedlog zaključka.

OV-e je jednoglasno donijelo slijedeći

ZAKLJUČAK

Da se u januaru pripremi tematska sjednica Općinskog vijeća Ilijaš, na temu "Problematika elektroinženjeringa na području općine Ilijaš".

Zatim je predsjedavajući dao na glasanje predloženi izvještaj.

OV-e je jednoglasno usvojilo

Izvještaj o realizaciji zaključaka sa 13. i zaključka sa 9. sjednice OV-a

AD-3

Prijedlog Programa rada Općinskog vijeća Ilijaš za 2014. godinu

Alma Imamović – na strani 5. Oblast za opću upravu i lokalnu samoupravu – tačku 2. brisati i na strani 7. Oblast za prostorno uređenje i stambeno komunalne poslove – tačku 1. brisati, jer su ovi izvještaji sublimirani u tački 4. Izvještaj o radu Općinskog načelnika i službi za upravu (strana 2).

Adem Efendić – pitat ću predsjedavajućeg šta ćemo sada sa tačkom 2. Prijedlog odluke o priznanjima Općine Ilijaš u općem dijelu, jer se sada neće postupati po odluci nego po zaključku.

Predsjedavajući – ova tačka neće se razmatrati, ali nadležna komisija će dobiti obavezu da u roku od 90 dana da pripremi nacrt odluke o dodjeli priznanja. Znači, ukoliko se slažete možemo tačku 2. u općem dijelu brisati.

Akif Fazlić – predlažem da se u oblasti za imovinsko pravne poslove, geodetske poslove i kastastar, tačka 1. briše, jer je danas na dnevnom redu prijedlog odluke o građevinskom zemljištu.

Mahir Dević – tačku o dodjeli priznanja ne treba izbacivati, nego pomjeriti vremenski termin. Možda da to bude mjesec juni.

Predsjedavajući – dao je na glasanje prijedlog programa rada OV-a Ilijaš za 2013.godinu sa izmjenama: opći dio, tačka 2. da se stavi: juni, zatim da se na strani 5. tačka 2 briše, na strani 7, tačka 1 briše i oblast za imovinsko pravne poslove, geodetske poslove i kastastar, tačka 1. briše.

Općinsko vijeće je, sa navedenim izmjenama, jednoglasno usvojilo

Program rada Općinskog vijeća Ilijaš za 2014. godinu

Prijedlog Budžeta općine Ilijaš za 2014. godinu

Merima Osmanović - u skladu sa Zaključkom općinskog vijeća sa 13 sjednice Služba za privredu, finansije i investicije je provela javnu raspravu po Nacrt Budžeta općine Ilijaš za 2014. godinu i Nacrt Odluke o izvršavanju Budžeta općine Ilijaš za 2014. godinu. U skladu sa navedenim zaključcima služba je dana 06.12. održala je javnu prezentaciju i javnu raspravu. Moramo istaći da smo iznenađeni veoma slabim odzivom, obzirom da ovakve prilike trebaju da posluže da se budžet, kao dokument kojim se finansiraju mnoge funkcije na našoj općini, kreira što transparentnije, kao i da se sa ovakvih susreta iniciraju pravci razvojnih politika.

U okviru provedene procedure javne rasprave na ponuđene nacрте dokumenata u pismenom obliku a u ostavljenom roku su dostavljene primjedbe i prijedlozi a iste možete pogledati u dostavljenom materijalu za ovu sjednicu vijeća. Predlagač se potrudio da svaki prijedlog sagleda te one koji su realni odnosno provodivi uvrsti u konačni prijedlog Budžeta.

Na bazi provedene javne rasprave kao i na bazi ponovne analize Budžetskih pozicija od strane Kolegija Općinskog načelnika i Službe za privredu, finansije i investicije predlagač je utvrdio prijedlog budžeta općine Ilijaš za 2014. godinu u iznosu od 9.645.300 KM, odnosno došlo je do povećanja za 825.500 KM.

Znači, proicirani prihodi u okviru projekcije Budžeta općine Ilijaš za 2014. godinu planirani su u skladu sa važećim propisima koji definišu i određuju pripadnost javnih prihoda općina, uvažavajući sve aktivnosti koje sa sa aspekta aktuelnih fiskalnih mjera provode na višim nivoima vlasti, kao i njihova refleksija na Budžet općine Ilijaš iznose 9.645.300 KM, a što je za 4,98 % manje u odnosu na plan prihoda za 2013. godinu.

Porezni prihodi u ukupnoj strukturi projekcije prihoda budžeta učestvuju sa 12,53 %. U okviru ove pozicije najznačajniju stavku čine porez na promet nepokretnosti i pravam porez na imovinu te prihod po osnovu indirektnih poreza za ukapljeni plin odnosno naftu i naftine derivate.

Neporezni prihodi planirani su u iznosu od 2.008.500,00 KM i u ukupnoj strukturi projekcije prihoda učestvuju sa 20,82 %. U strukturi ovih prihoda najznačajniji su prihodi po osnovu rente i uređenja građevinskog zemljišta, prihodi od općinskih komunalnih taksi za istaknutu firmu, prihodi po osnovu korištenja gradskog građevinskog zemljišta, te prihodi po osnovu davanja prava na korištenje prirodnih resursa.

U strukturi projekcije prihoda najznačajniju poziciju predstavljaju tekući transferi viših nivoa vlasti, a prije svega Kantona i u ukupnoj strukturi proiciranih prihoda učestvuju sa 56,78 %. U strukturi ovih prihoda najznačajniji su prihodi od Kantona Sarajevo, po osnovu prihoda od indirektnih poreza, a isti su planirani u iznosu od 2.351.400 KM. Također, u okviru ove stavke planirani su prihodi po osnovu grantova kantona posebne namjene u iznosu od 2.800.400,00.

U okviru prihoda kantona odnosno federacije za posebne namjene planirani su i prihodi u iznosu od 666.500 KM za koje je Općinski načelnik potpisao sporazume sa nadležnim ministarstvima za realizaciju projekata (kanalizacije, vodovoda, uređenje korita, asfaltiranje puteva), iako je do realizacije projekta došlo, nisu transferisana sredstva, te ostaje obaveza općine Ilijaš prema dobavljačima odnosno izvođačima.

Značajnu poziciju u ukupnim prihodima Budžeta općine Ilijaš predstavlja pozicija Kapitalni primici – primici od prodaje zemljišta i objekata, koji u ukupnoj strukturi zauzimaju 8,81 % ukupni prihoda, a odnose se na prihod po osnovu prodaje zemljišta u industrijskoj zoni Luka i lokaliteta Banovac, te prodaji objekta škole u Nišićima i poslovnog prostora u Ilijašu.

Ukupno proicirani rashodi i izdaci prijedlogom Budžeta za 2014. godinu iznose 9.645.300 KM, što je za 4,48 % manji u odnosu na plan budžeta općine Ilijaš za 2013. godinu ;
Ukupno proicirana sredstava za bruto plate i naknade iznose 1.948.620,00 KM i u ukupnoj strukturi projekcije Budžeta za 2014. godinu učestvuju za 20,20 %.

Ukupni planirani izdaci za materijal i usluge planirane su u iznosu od 917.380 KM i u ukupnoj strukturi rashoda i izdataka učestvuju sa 9,51 %. Na ovoj poziciji planirani su izdaci za materijal i usluge budžetskih korisnika - Jedinственog općinskog organa uprave i Općinskog vijeća. Ova vrsta izdataka metodološki se planira na osnovu višegodišnjeg praćenja troškova kao i procijenjenih potreba za plansku godinu, odnosno ovi troškovi planirani su u okviru Plan Budžeta za 2013. godinu, uz određene korekcije a iste su vidljive iz posebnog dijela Budžeta.

Tekući transferi u Budžetu za 2014. godinu planirani su u iznosu od 2.217.200 KM i u ukupnoj strukturi rashoda i izdataka učestvuju sa 22,99 %. U okviru ove grupe planirani su transferi drugim nivoima Vlade, grantovi pojedincima, grantovi neprofitnim organizacijama, subvencije javnim i privatnim preduzećima, kao i sredstava za ostale grantove. Analitička struktura tekućih transfera vidljiva je iz posebnog dijela budžeta te je nećemo posebno obrazlagat.

Kapitalni transferi i kapitalni izdaci planirani su u ukupnom iznosu od 3.878.800 KM. Ovaj dio budžeta finansijski se pokriva iz sredstava Kantona za posebne namjene u iznosu od 1.438.000 KM, te odobrenih sredstava od ostalih nivoa u iznosu od 255.000 KM a preostali dio iz izvornih sredstava općine Ilijaš u iznosu od 2.149.500 KM.

U tabelarnom dijelu kapitalnih budžetskih programa dat je pregled projekta i aktivnosti koje smatramo ključnim prioritetima, koji prije svega predstavljaju dalju realizaciju započetih projekata i koji se uklapaju u sveukupan razvojni milje općine što podrazumijeva aktivnosti po svim oblastima i na cijeloj teritoriji općine.

Prije sve ga to su :

U oblasti vodosnadbjevanja : priključak na gradski vodovod naselja G. Malešići, Rekonstrukcija vodovodnog sistema Junakova, te lokalni vodovodi u Berovićima i Medojevićima.

U oblasti uređenja vodotoka to je nastavakl aktivnosti na uređenju korita rijeka Misoče i Ljubine.

Kada se tiče kanalizaciopnih sistema to su kanalizacije Vlaškov, Ljubnići, Luka, Kamenica, Kadarići, te prva faza fekalne kanalizacije u IZ LUKa a po odobrenom projektu od strane Federalnog ministarstva obrta i poduzetništva, te izgradnja fekalne kanalizacije za naselje Doci u saradnji sa JKP Vodostan Ilijaš.

Kada se tiče gasifikacije to je nastavak gasifikacije na podrtučju naselja Kamenica, dok su za saniranje klizišta (Grebenac i Karašnica) planirana inicijalna sredstava.

U okviru ove pozicije planirana su i sredstava za zimsko održavanje puteva od interesa za općinu u iznosu od 250.000 KM.

Kada se tiče finansiranja sanacije i obnove kuća i stanova pplanirana su sredstava za sanaciju krovova na zgradama kolektivnog stanovanja u Srednjem.

Ključni projekti koji bi se trebali ralizirati u oblasti školstva su projekat rekonstrukcije dijela krova na SŠC Ilijaš, sanacija obloga u fiskulturnoj sali u Srednje te projekat energetske efikasnosti – utopljanje OŠ Podlugovi, i na kraju sufinansiranje materijalnog tehničkih uslova za početak rada OŠ S. Ilijaš.

Kada se tiče projekata u oblasti sporta kulture i informisanja onda su planirani projekti izgradnje sportske plohe u S. Ilijaš, izgradnje travnatih sportskih terena u Gajevima i Dragoradima, te rekonstrukcija dječijeg igrališta u Ilijašu (iz slastičarne Bosna).

Za vjerske objekte je ukupno planirano 55.000 KM.

Sredstva za izgradnju i rekonstrukciju objekata kulturno historijskog nasljeđa planirana su

u iznosu od 61.000 KM, a prije svega se odnose na završetak izgradnje spomen obilježja u C. Rijeci, Bioči, Lokvi i Kruševu.

Kada se tiče projekata koje podržavamo kroz transfer ostalim JP onda su tu projekti rekonstrukcije gradskog vodovoda, izgradnje toplovoda na Banovcu, te projekat nabavke kontejnera i izgradnj ništa.

Nabavka zemljišta planirana je u iznosu od 330.000 KM i odnosi se na projekat nabavku zemljišta u IZ Luka, nabavku zemljišta za sportsku plohu Podlugovi.

U okviru nabavke zgrada najznačajniji projekat je projekat izgradnje gradske prijace u saradnji sa ODRAZ-om.

Oprema za budžetske korisnike planirana je na nivou koji zadovoljava minimalne potrebe za funkcionisanje organa uprave i općinskog vijeća.

Izgradnja javne rasvjete po MZ planirana je u iznosu od 35.000 KM

Sanacija i rekonstrukcija puteva planirana je u iznosu od 1.230.000 KM, a u posebnom programskom dijelu su probrojani putevi odnosno projwekti koji će se realizirati.

Najznačajniji projekat u okviru rekonstrukcije i investicionog održavanja je projekat nadogradnje zgrade organa uprave, kojim će se stvoriti bolji uslovi za rad organa uprave i općinskog vijeća.

U okviru tabelarnog prikaza rashoda i izdataka, uvedena je nova budžetska pozicija „pokriće rashoda iz prethodne godine“ u iznosu od 666.500, a kao rezultat neostvarenih prihoda po osnovu potpisanih sporazuma između općine Ilijaš i viših nivoa vlasti, obzirom da do realizacije tj. transfera sredstava iz Budžeta viših nivoa vlasti neće doći do kraja fiskalne godine.

Na kraju predlažemo općinskom vijeću da usvoji budžet u ponuđenom prijedlogu.

Muhamed Handžić – želim uputiti primjedbu predsjedavajućem i Kolegiju OV-a, jer sam na prošloj sjednici tražio da se budžet dostavi MZ-a i udruženjima i oni su onemogućeni da daju svoj doprinos i učešće u kreiranju ovog budžeta. Iz tog razloga nemam obavezu ni odgovornost da podržim ovaj prijedlog budžeta iako sam podržao njegov nacrt. U odnosu na nacrt primjetio sam da je došlo do izmjena u smislu deficita koji je prikazano u iznosu 660.000 KM, a ostalo je skoro sve ostalo isto.

Ja sam dao 14 prijedloga za određene projekte u ovom budžetu i ni jedan nije usvojen. Dakle, ovo me obavezuje da ne podržim ovaj prijedlog budžeta.

Nijaz Rastoder – budžet za 2013. godinu nisam podržao iz razloga što je prenapuhan, ne realan i što neće biti izvršen 60% i bojim se da se isto ne desi i u 2014. godini. U normalnim zemljama gospodine načelnice ako budžet nije izvršen 40% to je krivično djelo, a u BiH se može i 70% da se ne izvrši i niko neće odgovarati. Ja još jednom protestujem načelnice zašto niti 1 KM niste uvrstili za OŠ “Hašim Spahić” u budžet za 2014.godinu. Sve su škole uvrštene, a jedino ova nije i to mi govori da ću dobro razmisliti da li ću ovaj budžet podržati i ove godine. Mislim da će ovaj budžet biti kao i prošlogodišnji. Ni jedna primjedba niti prijedlog LDS-a nije uvažena, niti direktor OŠ “Hašim Spahić”.

Mahir Dević – mislim da je vrlo važno da mi donesemo budžet na vrijeme imajući u vidu aktuelna politička dešavanja. Ne mislim da je vrijeme da se budžet na bilo koji način kritikuje, ne zato što ga ne treba kritikovati, nego svjesni smo svi u kakvom stanju i kakvoj krizi se nalazimo. Zašto je to tako ima niz faktora i razloga.

Ono što je činjenica, a i većina vas je svjesna da smo u prošloj 2013.godini na području općine Ilijaš jako puno toga uradili. To treba da prepoznamo i pohvalimo. Pojedinačno možemo pričati zašto neki projekat nije uvršten. Ono što sam ja tražio da se uvrsti u budžet jeste ograda oko mezarja u Starom Ilijašu.

Kada su u pitanju škole, a prošli put sam rekao kolegi Rastoderu da podržavam tu vrstu priče da se napravi ozbiljna investicija za OŠ "Hašim Spahić", ali ta investicija mora biti planirana od strane menadžmenta škole kroz neki viši nivo, pa da mi to sufinansiramo. Sve ovo što je pobrojano u budžetu su projekti koje finansira federalni nivo kroz ministarstvo obrazovanja. Mi svi treba da se potrudimo za jedan dobar projekat i to poslati prema kantonalnom i federalnom ministarstvu. Ja samo ne želim da prihvatim priču da je neko protiv OŠ "Hašim Spahić".

Pozivam sve nas da podržimo ovaj prijedlog budžeta, jasno je da će on pretrpjeti određene izmjene dok se vidi šta ćemo dobiti od kantona i od federacije.

Nijaz Rastoder (krivi navod) – OŠ "Hašim Spahić" je uputila sedam projekata prema federalnim i kantonalnim ministarstvima, ali uvijek smo dobijali odgovor da treba sačekati dok se ne završi škola u Starom Iljašu.

Mahir Dević – koliko znam na javni poziv koji je uputilo ministarstvo prostornog uređenja škola "Hašim Spahić" nije uputila nikakvu aplikaciju.

Selver Herić – mi polazimo sa stanovišta, da bi život tekao normalno na prostoru općine, budžet treba usvojiti pa kakav je takav je. KV SDP-a je mišljenja da neki projekti koji se redovno ubacuju, a neki redovno izbacuju, da se zamjene.

Iskoristit ću priliku da se zahvalim predsjedniku SDA što je napokon bio realan i iskren, a to je činjenica da je naveo da smo u teškoj situaciji, u situaciji kakvoj su nas oni doveli i njegova partija.

Adem Efendić – kolegi Handžiću ću reći, kao član Kolegija, da osjećam dio odgovornosti zbog nedostavljanja materijala, ali i ne osjećam krivicu, jer je donesen zaključak Kolegija da se materijal dostavlja onima kojih se tiče.

Čestitat ću načelniku na ovolikoj hrabrosti da predložio projekciju budžeta od 9.645.300 KM ako ima deficit od 666.000 KM u 2013.godini. Složit ćete se svi da ovaj deficit pokazuje kakva nam je vlast u Kantonu Sarajevo, jer je ovih 666.000 KM nerealizovanih od kantona. Kad kažem neodgovorna politička, tako i izvršna vlast, jer mi u kantonu u političkoj vlasti imamo ljude iz Iljaša i oni treba da snose odgovornost i to treba građanima javno reći.

Što se tiče budžeta, ovo obrazloženje vezano za JU "KSC i Radio Iljaš" i antenski stub, planirate da će biti odluka o prenosu vlasništva usvojena i ne mogu da shvatim da uvrštavate neke stvari u budžet, a koje još nisu predmet rasprave.

Primjedbe i prijedlozi od strane SBB-a su uvaženi i mi smo zadovoljni, a moja zamjerka je i ostaje i dalje, a tražim da svi u narednom periodu povedemo računa i možda tematsku sjednicu zakažemo, kada su u pitanju za tekuće izdvajanje neprofitnim organizacijama (ratna udruženja, sportska udruženja, kulturna dešavanja ...). Znae koliko se sredstava troši netransparentno.

Moja je preporuka da se u ovoj godini proprati transparentnost trošenja budžetskih sredstava.

KV SBB-a će poslije iscrpnih diskusija tražiti pauzu i vjerovatno podržati ovaj prijedlog budžeta.

Akif Fazlić – želim reći da je ovo dobar prijedlog budžeta i kroz vaše diskusije vi ste to potvrdili. Kada kažem "dobar" to znači da je on budžet kontinuiteta. Vidi se da je većina projekata koji su predloženi u 2014. naslonjeni na projekte iz 2013.godine i na daljnju dogradnju i u tome jeste kvalitet. Zbog toga da zadržimo taj kvalitet ovaj budžet jeste

preambiciozan. Ja sam, prije svega, kada je u pitanju budžet, želio da definišem šta je to interes građana o Lješeva do Dragorada kada su u pitanju projekti i prioritet projekata. Ono što jeste bitno za potpunu vašu informaciju, a to sam govorio, od polovine ove godine do sada, šta je naš izbor. Je li izbor da pozicije koje smo uspjeli mukotrpno nametnuti u budžetu kantona ostavimo ne realizovane ili da uđemo u deficit čije će pokriće biti kroz budžet kantona. Naravno da tu nije bilo velike dileme. Mi smo realizirali projekte i njihovo finansijsko izvršenje će biti u 2014.godini.

Kada su u pitanju prioriteti, važno je pitanje pozicioniranja osnovne škole u gradu Ilijašu. Ja sam javno i odgovorno svima rekao da se ne dovodimo u stanje lažnih obećanja. Mi smo po prioritetima i po aplikacijama ovih škola i ono što smo mi imali u budžetu zaista već za 2014. se potpuno jasno pozicionirali. Moramo isplatiti 36.500 za školu u Podlugovima, 24.000 KM za školu u Srednjem i 10.000 KM za krov SŠC i to je nešto što su bili prioriteti i tako smo ih stavili u budžet. Ovo pokazuje da vodimo politiku da započete projekte dovršimo, a završetkom ovih projekata dolazi na red osnovna škola u gradu Ilijašu u punom kapacitetu.

Ono što je Handžić govorio da nema nekih projekata, želim vas uputiti da ćemo neke stavke kroz program načelnika izdefinisati, jer želim da se na svakoj mjesnoj zajednici realizira bar neki od projekata.

Kada je u pitanju metodologija planiranja, vezano za amandman, a nije donesena odluka. Pa mi govorimo danas o budžetu, a nije donesen budžet kantona. Metodološki je naš pristup i stojimo iza prijedloga i očekujemo da ćemo imati podršku vijeća.

Ovu ocjenu koju je dao vijećnik Rastoder, mislim da će ga izvještaj o realizaciji budžeta za 2013.godinu će ga demantirati. Želim da o budžetu pravljamo na profesionalnom nivou u to je danas i bilo i zahvaljujem se svima i nadam se da će budžet dobiti punu podršku.

Predsjedavajući je zaključio raspravu po ovoj tački dnevnog reda i dao 10 minuta pauze.

Nakon pauze predsjedavajući je dao na glasanje prijedlog Budžeta općine Ilijaš za 2014. godinu sa amandmanima općinskog načelnika koji su sastavni dio ovog prijedloga budžeta, ali vijećnik Alan Šerak izrazio sumnju u glasanje i zatraženo je pojedinačno glasanje.

ZA su glasali slijedeći vijećnici: Mahir Dević, Nedim Matoruga, Saudin Durmić, Halid Dizdarević, Amar Dovadžija, Muamer Dervišević, Fahir Hasanović, Rasim Šehić, Selma Pušina, Alan Šerak, Marioneta Ilić-Jureta, Damir Filipović, Selver Herić, Adem Efendić, Nijaz Mašić, Sead Šehić, Akif Bešlija, Asim Mujić, Besim Gljiva, Aida Mališević, Nijaz Rastoder, Muhamed Handžić i Enes Dizdarević.

Odsutni vijećnici: Edhem Hasanović i Nihad Bučuk.

Konstatovano je da je sa 23 glasa ZA donesen

Budžet općine Ilijaš za 2014. godinu

AD-5

Prijedlog Odluke o izvršavanju Budžeta općine Ilijaš za 2014. godinu

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o izvršavanju Budžeta općine Ilijaš za 2014. godinu

AD-6

Prijedlog Odluke o građevinskom zemljištu

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o građevinskom zemljištu

AD-7

Prijedlog Odluke o pristupanju izradi Regulacionog plana "Stari Ilijaš"

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o pristupanju izradi Regulacionog plana "Stari Ilijaš"

AD-8

Prijedlog Odluke o pristupanju izradi Plana upravljanja krutim otpadom
za područje općine Ilijaš

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o pristupanju izradi Plana upravljanja krutim otpadom
za područje općine Ilijaš

AD-9

Prijedlog Odluke o povjeravanju vršenja poslova pravobranilaštva Kantona Sarajevo
za 2014. godinu

Nijaz Mašić – predlažem amandman da umjesto prihoda piše nula. Naime, ranije je obećano da će se pravobranilaštvo formirati na nivou općine, a od poslije rata do sada bi se taj čovjek nama previše isplatio.

Trebalo bi da im ništa ne platimo, a da formiramo svoje pravobranilaštvo.

Predsjedavajući je sugerio da amandmani trebaju biti dostavljeni pismeno.

Rasim Šehić – mislim da bi trebalo povesti računa za 2015.godinu i da se iznađe način i rješenje kada je u pitanju formiranje našeg pravobranilaštva. Ako treba možemo donijeti i zaključak da se za 2015.godinu iznađe rješenje, a ne da plaćamo Pravobranilaštvo Kantona Sarajevo.

Predsjedavajući je zaključio raspravu po ovom pitanju i dao riječ općinskom načelniku za obrazloženje.

Akif Fazlić – ja i ovo vijeće je prihvatilo da idemo ka putu dovođenje pravobranilaštva u Ilijaš. Međutim, nismo uspjeli ispuniti ni materijalne ni finansijske uslove za formiranje pravobranilaštva. Kada kažem materijalne, mislim na prostorne uslove.

Finansijski – pravobranilac i sekretar su sigurno preko 50.000 KM.

Molim Vas da uvažite ove objektivne razloge i da podržite ovaj prijedlog odluke.

Predsjedavajući – naglasio je da predloženi amandman vijećnika Nijaza Mašića nema u

preambuli nema člana na koji se poziva, niti obrazloženja, te je dao na glasanje prijedlog odluke.

OV-e je sa 21 glasom ZA i 3 UZDRŽANA donijelo

Odluku o povjeravanju vršenja poslova pravobranilaštva Kantona Sarajevo
za 2014. godinu

AD-10

Prijedlog Odluke o ustupanju prava korištenja nad infrastrukturnim objektima Antenski stub
i kućica na lokaciji Karašnica, Javnoj ustanovi "Kulturno-sportski centar i Radio Ilijaš"

Sanja Zagorac-Jozić - dana 31.12.2013.godine ističe Ugovor o zakupu prostora na antenskom stubu na emisionoj lokaciji Karašnica-Ilijaš, zaključen između RADIOTELEVIZIJE BOSNE I HERCEGOVINE (Ugovor broj:101-192/11 od 14.02.2011.godine; Anex Ugovora broj:101-895/11 od 14.07.2011.godine) i Općine Ilijaš (Ugovor broj:01/2-14-1688/11 od 17.03.2011.godine; Anex Ugovora broj:01/2-14-1688/11 od 25.07.2011.godine). Ocijenivši da JU "KULTURNO-SPORTSKI CENTAR I RADIO ILIJAŠ", čiji je osnivač Općina Ilijaš, raspolaže resursima da može upravljati infrastrukturnim objektima na lokaciji Karašnica i pružati tehničke usluge podzakupcima, kako bi se obezbjedio nesmetan rad instalisanih uređaja, predlagač je odlučio da više ne produžava Ugovor zaključen sa BHRT-om i ne dijeli dio prihoda obezbijeđenog po osnovu zakupa, već da omogući da taj prihod ostvari JU "KULTURNO-SPORTSKI CENTAR I RADIO ILIJAŠ" u cilju njene ekonomske konsolidacije. JU "KULTURNO-SPORTSKI CENTAR I RADIO ILIJAŠ" će svim dosadašnjim podzakupcima ponuditi zaključenje Ugovora o zakupu prostora u objektu i na antenskom stubu na emisionoj lokaciji Karašnica. Prije zaključenja Ugovora o zakupu JU "KSC I RADIO ILIJAŠ" prethodno će pribaviti saglasnost Općine Ilijaš za navedene radnje. Prijedlog Odluke dostavljen je na mišljenje Pravobranilaštvu Kantona Sarajevo. Predlagač je prihvatio prijedlog Komisije za statut i propise da se umjesto riječi "pravo raspolaganja" upiše "pravo korištenja".

Adem Efendić – upravitelji JU KSC i Radio Ilijaš su jako loši. Poučeni lošim iskustvima upravljanjima u javnim preduzećima, a posebno u upravnim i nadzornim odborima, a imam jedan ugovor koji je sačinio JKP "Vodostan" 2007.godine na pet godina u iznosu od 30 KM sa anexom ugovora od 50 KM i isto se tiče postavljanja antena i tih usluga. Isti su menadžeri i ista je politika i u jednom i drugom preduzeću i bojim se i izražavam sumnju u dobit i dalje raspolaganje te dobiti.

Ne vidim mogućnost da KV SBB-a podrži ovaj prijedlog odluke.

Nedim Matoruga – kod pripreme ove odluke trebalo se više pažnje posvetiti na samu formu. Ovdje su neke stvari uzete iz ugovora koje je općina imala sa RTV, a po meni u ovoj odluci ne može tretirati iznajmljeni prostor. Dalje, javna ustanova nije korisnik nego upravitelj. Ove stvari treba razmotriti.

Ukoliko će ova odluka pomoći da se sačuva jedno radno mjesto u KSC-u, ja sam za to da se sačuva. Očigledno je da firma ide prema dole i da se gomilaju gubici, ali kada budemo imali na dnevnom redu izvještaj o tome ćemo diskutovati tada. Ukoliko će ovo pomoći da se sačuva jedno radno mjesto KV SDA će podržati ovaj prijedlog odluke.

Zamjenik predsjedavajućeg Mahir Dević dao je na glasanje prijedlog odluke.

OV-e je sa 19 glasova ZA i 4 PROTIV donijelo

Odluku o ustupanju prava korištenja nad infrastrukturnim objektima Antenski stub i kućica na lokaciji Karašnica, Javnoj ustanovi "Kulturno-sportski centar i Radio Ilijaš"

AD-11

Prijedlog Odluke o razrješenju člana Općinske izborne komisije

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o razrješenju člana Općinske izborne komisije

AD-12

Prijedlog Odluke o raspisivanju javnog oglasa za imenovanje člana općinske izborne komisije Ilijaš

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o raspisivanju javnog oglasa za imenovanje člana općinske izborne komisije Ilijaš

AD-13

Prijedlog Zaključaka o dodjeli općinskih priznanja za 2013. godinu

Zamjenik predsjedavajućeg Mahir Dević je pročitao prijedlog zaključaka kako slijedi:

1. Naleže se Komisiji za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa Općinskog vijeća Ilijaš da u roku od 90 dana pripremi Nacrt Odluke o priznanjima Općine Ilijaš i Nacrt Pravilnika o procedurama, kriterijima i mjerilima za dodjelu priznanja, te da iste dostavi Općinskom vijeću Ilijaš na razmatranje.
2. Daje se ovlaštenje načelniku Općine Ilijaš da u svoje i u ime Općinskog vijeća Ilijaš dodjeli priznanja za 2013.godinu pojedincima i kolektivima, uvažavajući prijedloge sa međustranačkog sastanka, koji je održan u petak (20.12.2013.godine), u sali Općinskog vijeća Ilijaš, na kojem su jednoglasno dogovoreni kolektivi i pojedinci koji bi trebali dobiti priznanja za 2013.godinu.
3. Zadužuje se Sekretar Općinskog vijeća Ilijaš da Zapisnik sa međustranačkog sastanka, koji je održan u petak (20.12.2013.godine), u sali Općinskog vijeća Ilijaš, dostavi načelniku Općine Ilijaš na dalje postupanje.

Na prijedlog vijećnika Adema Efendića uslijedila je pauza od pet minuta.

Nakon pauze zamjenik predsjedavajućeg je kazao da vijećnik Adem Efendić ima jedan prijedlog, te ga pozvao da iznese obrazloženje.

Adem Efendić – predlažem da u zaključku broj 2. umjesto "priznanja" stoji riječ "plakete", a sve ostalo ostaje isto.

Zamjenik predsjedavajućeg Mahir Dević – ne znam koja je razlika između plakete i

priznanja. Po meni nema razlike.

Akif Fazlić – obzirom da se ovim prenosi ovlaštenje, ja bih volio da je ovlaštenje precizno i OV-e treba jasno utvrditi koja je to vrsta priznanja. Priznanje može biti i plaketa, zahvalnica, grb, amblem itd.

Zamjenik predsjedavajućeg Mahir Dević – znači pored riječi “priznanja” u zagradi dodati riječ “plakete”.

Zatim je dao na glasanje zaključke, pa je OV-e jednoglasno donijelo slijedeće

ZAKLJUČKE

1. Naleže se Komisiji za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa Općinskog vijeća Ilijaš da u roku od 90 dana pripremi Nacrt Odluke o priznanjima Općine Ilijaš i Nacrt Pravilnika o procedurama, kriterijima i mjerilima za dodjelu priznanja, te da iste dostavi Općinskom vijeću Ilijaš na razmatranje.
2. Daje se ovlaštenje načelniku Općine Ilijaš da u svoje i u ime Općinskog vijeća Ilijaš dodjeli priznanja (plakete) za 2013.godinu pojedincima i kolektivima, uvažavajući prijedloge sa međustranačkog sastanka, koji je održan u petak (20.12.2013.godine), u sali Općinskog vijeća Ilijaš, na kojem su jednoglasno dogovoreni kolektivi i pojedinci koji bi trebali dobiti priznanja za 2013.godinu.
3. Zadužuje se Sekretar Općinskog vijeća Ilijaš da Zapisnik sa međustranačkog sastanka, koji je održan u petak (20.12.2013.godine), u sali Općinskog vijeća Ilijaš, dostavi načelniku Općine Ilijaš na dalje postupanje.

AD-14

Prijedlog rješenja iz imovinsko-pravne oblasti:

- a) broj 06/1-31-3620/13 od 04. 12. 2013. godine
- b) broj 06/1-31-3621/13 od 04. 12. 2013. godine
- c) broj 06/1-31-3162/10 od 06. 12. 2013. godine
- d) broj 06/1-31-3805/13 od 16. 12. 2013. godine
- e) broj 06/1-31-3622/13 od 18. 12. 2013. godine
- f) broj 06/1-31-915/13 od 18. 12. 2013. godine
- g) broj 06/1-31-934/13 od 18. 12. 2013. godine
- h) broj 06/1-31-954/13 od 18. 12. 2013. godine
- i) broj 06/1-31-2833/13 od 20. 12. 2013. godine

Sadeta Brkić – u rješenjima a), b), c) i e) se utvrđuje javni interes kako bi se moglo pristupiti primjeni zakona o eksproprijaciji i ekspropisati da li potpuno ili ne potpuno sa utvrđivanjem prava služnosti na određenim predloženim nepokretnostima.

Kod rješenja pod d) je upitanju primjena članova 16. , 44. i 45. Zakona o građevinskom zemljištu i radi se o dodjeli neizgrađenog gradskog građevinskog zemljišta radi rekonstrukcije, dogradnje i nadzidičavanja poslovnog objekta.

U rješenjima pod f), g) i h) – na stolove smo vam dostavili nova rješenja, jer je prvobitno bilo uređeno rješenje u nešto široj formulaciji kojim bi se stavilo van snage prethodno rješenje, ali normotehnički bi bilo puno provodivije na način da se to uradilo kako ste sada dobili, na način da se samo uokviri izmjena koja je ugrađena. Izmjena se tiče toga da je u naknadnom postupku stranke priložile zemljišno knjižne izvadke gdje je utvrđeno da su oni

prethodno već jednom platili zemljište ispod objekta.

Nedim Matoruga – da li je pravno prihvatljivo da dva različita akta imaju isti broj ? Ja mislim da to ne može tako ići i tražim da se to pojasni.

Mi donosimo tri rješenja o izmjeni rješenja koja smo donijeli prije mjesec dana i ta rješenja imaju određene brojeve, a novi akti koje sada imamo imaju iste brojeve. Novi akti moraju imati novi broj. OV-e usvaja dva različita akta.

Akif Fazlić – obzirom da je prihvaćen prijedlog komisije mislim da se kod svakog broja može dodati povlaka 1, 2 itd.

Što se tiče tačke c) – umjesto riječi “Nišičke visoravni i Čevljanovića” upisati riječi “šireg područja MZ Gajevi i Nišičke visoravni”.

Diskutanata po ovoj tački dnevnog reda više nije bilo, pa je predsjedavajući dao na glasanje rješenje a) broj 06/1-31-3620/13 od 04. 12. 2013. godine

OV-e je jednoglasno donijelo

Rješenje broj 06/1-31-3620/13 od 04. 12. 2013. godine

b) broj 06/1-31-3621/13 od 04. 12. 2013. godine

OV-e je jednoglasno donijelo

Rješenje broj 06/1-31-3621/13 od 04. 12. 2013. godine

c) broj 06/1-31-3162/10 od 06. 12. 2013. godine

OV-e je, uz navedeni prijedlog općinskog načelnika, jednoglasno donijelo

Rješenje broj 06/1-31-3162/10 od 06. 12. 2013. godine

d) broj 06/1-31-3805/13 od 16. 12. 2013. godine

OV-e je jednoglasno donijelo

Rješenje broj 06/1-31-3805/13 od 16. 12. 2013. godine

e) broj 06/1-31-3622/13 od 18. 12. 2013. godine

OV-e je jednoglasno donijelo

Rješenje broj 06/1-31-3622/13 od 18. 12. 2013. godine

f) broj 06/1-31-915/13 od 18. 12. 2013. godine

OV-e je jednoglasno donijelo

Rješenje broj 06/1-31-915/13 od 18. 12. 2013. godine

g) broj 06/1-31-934/13 od 18. 12. 2013. godine

OV-e je jednoglasno donijelo

Rješenje broj 06/1-31-934/13 od 18. 12. 2013. godine

h) broj 06/1-31-954/13 od 18. 12. 2013. godine

OV-e je, uz primjedbe vijećnika Nedima Matoruge, jednoglasno donijelo

Rješenje broj 06/1-31-954/13 od 18. 12. 2013. godine

i) broj 06/1-31-2833/13 od 20. 12. 2013. godine

OV-e je jednoglasno donijelo

Rješenje broj 06/1-31-2833/13 od 20. 12. 2013. godine

AD-15

Izveštaj o radu Službe civilne zaštite sa protivminskim akcijama za 2013. godinu

AD-16

Informacija o stanju u stambeno-komunalnoj oblasti, obnovi stambenog fonda i komunalne infrastrukture na području Općine Ilijaš

Diskutanata po ovoj tački dnevnog reda nije bilo, pa je OV-e primilo k znanju

Informaciju o stanju u stambeno-komunalnoj oblasti, obnovi stambenog fonda i komunalne infrastrukture na području Općine Ilijaš

AD-17

Informacija o isplati dijela štete nastale prirodnom i drugom nesrećom u periodu 04. 02 – 23. 02. 2012. godine

Zdravko Barić – prije dvije godine smo imali stanje elementarne nepogode i po onome što smo tada zaključili, kada smo imali vanrednu sjednicu OV-a 2012.godine, općinska komisija za procjenu šteta je po prijavi građana izlazila na lice mjesta i sačinila izvještaj gdje je na području općine Ilijaš bilo preko 900.000 KM učinjene šteta. Općina nije bila u mogućnosti da izvrši naknadu štete, jer nismo imali toliko sredstava i očekivali smo pomoći sa kantonalnog i federalnog nivoa. U Kantonu Sarajevo mi smo prvi predali ono što je bilo po zakonu. U toku ove godine Kantonalna uprava CZ je izvršila dodjelu sredstava i mi smo dobili 90.000 KM za naknadu šteta, a u budžetu smo imali 10.000 KM planiranih i to su bili sveukupna sredstva koja smo mogli raspodijeliti. Komisija za procjenu šteta je sa Službom civilne zaštite i prema pravilniku o dodjeli naknade za pričinjene štete uradila prioritete. Opredjelili smo se da dodijelimo sredstva onima kojima su ugroženi objekti za stanovanje, objekti za proizvodne aktivnosti i uradili smo ovu listu. Naglašavam da smo imali jedno utuženje od strane Fazlić Fuada iz Lješeva koji nije bio zadovoljan obračunatim iznosom naknade štete.

Muhamed Handžić – na koji način je vršena selekcija isplate tih sredstava ?

Jedan peradarnik u Ribarićima je oštećen cca 260.000 KM, a dobio je 20.000 KM, a

imamo i jedan platenik gdje je šteta bila 2000 KM, a dobio je 900 KM.

I još da pitam da li je ovo dio naplaćene štete i da li će oštećeni naplatiti štetu i od Fedralnog štaba civilne zaštite ?

Zdravko Barić – taj peradarnik je imao najveću štetu preko 200.000 KM i rekao sam da smo maksimalnu štete isplatili cca 15.000 KM. Druga istina, niko od tih koji su imali platenike nije dobio naknadu štete koji je imao platenik ispod 2000 KM, a pogotovo da je dobio 900 KM. Treće, sve je rađeno prema Pravilniku o dodjeli šteta.

Što se tiče pitanja da li je ovo samo dio štete, mi smo ga nazvali dio štete i nadamo se da će još nešto biti. Međutim, još ništa nema konkretno.

Diskutanta po ovoj tački dnevnog reda više nije bilo, pa je OV-e primilo k znanju

Informaciju o isplati dijela štete nastale prirodnom i drugom nesrećom
u periodu 04. 02 – 23. 02. 2012. godine

Predsjedavajući Damir Filipović zaključio je 14. sjednicu OV-a.

Zapisničar:
Maida Habibović

PREDSJEDAVAJUĆI
OPĆINSKOG VIJEĆA ILIJAŠ
Damir Filipović, s.r.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov_ilijas@bih.net.ba

